



«ԳՈՐԻՍԻ ՊԵՏԱԿԱՆ ՔՈԼԵԶ» ՊՈԱԿ

ԿԱՆՈՆԱԴՐՈՒԹՅՈՒՆ

«ԳՈՐԻՍԻ ՊԵՏԱԿԱՆ ՔՈԼԵԶ» ՊՈԱԿ-Ի

ՈՒՍԱՆՈՂԱԿԱՆ ԽՈՐՀՐԴԻ

(ՆՈՐ ԽՄԲԱԳՐՈՒԹՅԱՄԲ)

2020թ.

«ԳՈՐԻՍԻ ՊԵՏԱԿԱՆ ՔՈԼԵՋ» ՊՈԱԿ-Ի

Կ Ա Ռ Ա Վ Ա Ր Մ Ա Ն Խ Ո Ր Հ Ո Ւ Ր Դ

Ո Ր Ո Շ ՈՒ Մ N 56

30. 08 2020թ.

p. *Arpa*

«ԳՈՐԻՍԻ ՊԵՏԱԿԱՆ ՔՈԼԵՋ» ՊՈԱԿ-Ի ՈՒՍԱՆՈՂԱԿԱՆ ԽՈՐՀՐԴԻ ԿԱՆՈՆԱԴՐՈՒԹՅՈՒՆԸ
ՀԱՍՏԱՏԵԼՈՒ ՄԱՍԻՆ

Ղեկավարվելով «Գորիսի պետական քոլեջ» ՊՈԱԿ-ի
կանոնադրությամբ.

Ո Ր Ո Շ ՈՒ Մ ԵՄ

1. Հաստատել «Գորիսի պետական քոլեջ» ՊՈԱԿ-ի Ուսանողական խորհրդի կանոնադրությունը:

Նախագահ՝ ԱՐԱՐԱՏ ԼԱՍԱԲԵԿՅԱՆ

Arpa
(ստորագրություն)

Քարտուղար՝ ԴԱՎԻԹ ԶՈՒԼՀԱԿՅԱՆ

Arpa
(ստորագրություն)

Հաստատված է
«Գորիսի պետական քոլեջ» ՊՈԱԿ-ի Կառավարման խորհրդի
2020թ. «օգոստոս» «30» N 56 որոշմամբ

Ընդունված է

Գորիսի պետական քոլեջի Ուսանողական խորհրդի
2020թ. մարտի 18-ին կայացած ընդհանուր ժողովում
Ուխտախազան՝ *Դ. Ընկ* Շ. Հայրապետյան
Ուխտարտուղար՝ *Բեդրյա* Ն. Դալլաբյան

ԿԱՆՈՆԱԴՐՈՒԹՅՈՒՆ

«ԳՈՐԻՍԻ ՊԵՏԱԿԱՆ ՔՈԼԵՋ» ՊՈԱԿ-Ի ՈՒՍԱՆՈՂԱԿԱՆ ԽՈՐՀՐԴԻ

1. ԸՆԴՀԱՆՈՒՐ ԴՐՈՒՅԹՆԵՐԸ

- 1.1. Գորիսի պետական քոլեջի (այսուհետ՝ Քոլեջ) Ուսանողական խորհուրդը (այսուհետ՝ ԳՊՔ Ուխ) ԳՊՔ ուսանողության ներկայացուցչական, ինքնակառավարման և ուսանողների շահերը ներկայացնող բարձրագույն ընտրովի մարմինն է:
- 1.2. ԳՊՔ Ուխ-ն ապաքաղաքական և ապակուսակցական կազմակերպություն է:
- 1.3. Ուխ-ն արտահայտում և պաշտպանում է ուսանողության շահերը, նպաստում նրանց կրթական, հետազոտական, ստեղծագործական, ֆիզիկական, բարոյական և հոգևոր զարգացմանը:
- 1.4. ԳՊՔ Ուխ-ն իր գործունեությունն իրականացնում է ՀՀ Սահմանադրության, ՀՀ գործող օրենսդրության, ԳՊՔ կանոնադրության և սույն կանոնադրության համապատասխան:
- 1.5. ԳՊՔ Ուխ-ի լրիվ անվանումն է՝ հայերեն՝ Գորիսի պետական քոլեջի ուսանողական խորհուրդ, ռուսերեն՝ Студенческий совет Горисского государственного колледжа, անգլերեն՝ Student Council of the Goris State College:
- 1.6. ԳՊՔ Ուխ-ի հասցեն է՝ ՀՀ Սյունիքի մարզ, ք. Գորիս, Հայկազունիների 4:
- 1.7. Սույն կանոնադրության մեջ փոփոխությունները և լրացումները կատարվում ու հավանության են արժանանում Ուսանողական խորհրդի ընդհանուր ժողովի կողմից և հաստատվում է ԳՊՔ Կառավարման խորհրդի որոշմամբ:

2. ՆՊԱՏԱԿՆԵՐԸ ԵՎ ԳՈՐԾՈՒՆԵՈՒԹՅԱՆ ՀԻՄՆԱԿԱՆ ՈՒՂՂՈՒԹՅՈՒՆՆԵՐԸ

2.1. ԳՊՔ Ուխ-ի նպատակն է՝

- ա) պաշտպանել ուսանողների շահերն ու իրավունքները,
- բ) ապահովել ուսանողների մասնակցությունը քոլեջի կառավարմանը,
- գ) Քոլեջի կառավարման համապատասխան մարմիններին ներկայացնել ուսանողությանն առնչվող հարցեր,
- դ) մասնակցել ուսումնական գործընթացի կազմակերպմանը և ուսուցման արդյունավետության բարձրացմանն ուղղված ծրագրերի մշակմանն ու իրականացմանը,

- ե) իրագեկել ուսանողներին իրենց իրավունքների ու պարտականությունների մասին,
 - զ) միավորել Քոլեջի ուսանողների ջանքերը՝ նպաստելու ուսանողության համար բարենպաստ միջավայրի ձևավորմանն ու խթանելու ուսանողների հետազոտական, կրթական, հոգևոր, մշակութային, ստեղծագործական ու ֆիզիկական զարգացմանը,
 - ը) աջակցել ուսանողների սոցիալական վիճակի բարելավմանը, կազմակերպել ուսանողների ազատ ժամանցն ու հանգիստը,
 - թ) մասնակցել ԳՊՔ տարածքում ներքին կարգապահության պահպանմանը,
 - ժ) ինչպես նաև զբաղվել ուսանողներին հուզող այն խնդիրներով, որոնք նախատեսված չեն սույն կանոնադրությամբ:
- 2.2. ԳՊՔ ՈւՄ-ն իր գործունեությունը ծավալում է՝ ելնելով նշված նպատակներից ու խնդիրներից: Այն համագործակցում է ՀՀ-ում գործող բուհական, մմուհական, ուսանողական, երիտասարդական և այլ կամգակերպությունների, ինչպես նաև մասնավոր անձանց հետ՝ փոխհարաբերությունները կառուցելով պայմանագրային և համագործակցության ու փոխշահավետության հիմունքներով:

3. ՈՒՍԱՆՈՂԱԿԱՆ ԽՈՐՀՐԴԻ ԸՆԴՀԱՆՈՒՐ ԺՈՂՈՎԸ

- 3.1. ԳՊՔ ՈւՄ բարձրագույն մարմինը ՈւՄ Ընդհանուր ժողովն է: Ընդհանուր ժողովին լիիրավ ձայնի իրավունքով մասնակցում են Քոլեջի ուսանողները:
- 3.2. Ընդհանուր ժողովի պատվիրակների կազմը համալրվում է տարին մեկ անգամ:
- 3.3. Ընդհանուր ժողովը զուամարվում է ուսումնական տարվա սկզբին:
- 3.4. Ընդհանուր ժողովում պատվիրակների 50% +1 մասնակցության դեպքում քվորումն առկա է և նիստը իրավազոր:
- 3.5. Ընդհանուր ժողովի որոշումներն ընդունվում են մասնակիցների ընդհանուր թվի ձայների մեծամասնությամբ՝ բաց քվեարկությամբ:
- 3.6. Ընդհանուր ժողովի քննարկման հարցերն են.
 - ա) հավանության արժանացնել ՈւՄ կանոնադրությունը, փոփոխությունները և լրացումներ կատարել նրանում,
 - բ) հաստատել ՈւՄ նախագահության կազմը (բաց քվեարկությամբ)
 - գ) լսել և հաստատել ՈւՄ նախագահության տարեկան հաշվետվությունը,
 - դ) քննարկել և սահմանել ՈւՄ-ի տարեկան գործունեության կարևորագույն ուղղությունները և առաջիկա տարվա ծրագրային առաջնությունները
 - ե) որոշում կայացնել ՈւՄ-ի վերակազմավորման վերաբերյալ:

4. ՈՒՍԱՆՈՂԱԿԱՆ ԽՈՐՀՐԴԻ ՆԱԽԱԳԱՀՈՒԹՅՈՒՆԸ, ԿԱՌԱՎԱՐՄԱՆ ՄԱՐՄԻՆՆԵՐԸ

- 4.1. Ընդհանուր ժողովների միջև ընկած ժամանակաշրջանում ՈւՄ աշխատանքները ղեկավարում է ԳՊՔ ՈւՄ նախագահությունը:
- 4.2. Յուրաքանչյուր մասնագիտություն կուրսղեկական ժողովի ընթացքում իր ուսանողների կազմից քննարկում է ԳՊՔ ՈւՄ նախագահության ներկայացուցիչներ՝ պահպանելով սույն կանոնակարգի 4.5 կետի պահանջները:
- 4.3. ՈւՄ նախագահության անդամները 2 տարի ժամկետով հաստատվում են Ընդհանուր ժողովի կողմից:

- 4.4. ՈւՆ նախագահության անդամ կարող են ընտրվել միջին մասնագիտական և նախնական մասնագիտական (արհեստագործական) կուրսերի ուսանողները:
- 4.5. Նախագահության անդամներն ընտրվում են ըստ համամասնության, մինչև 10 ուսանող ունեցող մասնագիտություններից՝ 1 անդամ, 20-ից ավելի ուսանող ունեցող մասնագիտություններից՝ 2 և ավելի անդամներ:
- 4.6. ՈւՆ նախագահությունն իր կազմից երկու տարի ժամկետով ընտրում է ՈւՆ նախագահ, փոխնախագահ, քարտուղար, հանձնաժողովների նախագահներ:
- 4.7. ՈւՆ նախագահը չի կարող առաջադրվել ՀՀ որևէ քաղաքական կուսակցության անդամակցող թեկնածու:
- 4.8. ՈւՆ նախագահի ընտրությունը կատարվում է փակ, գաղտնի քվեարկությամբ: Փոխնախագահի, պատասխանատու քարտուղարի, հանձնաժողովների նախագահների ընտրությունը կատարվում է բաց քվեարկությամբ, եթե այդ մասին այլ որոշում նախագահության կողմից չի կայացվում:
- 4.9. Ընտրված է համարվում նախագահի այն թեկնածուն, ում օգտին քվեարկում են ներկաների կեսից ավելին (50% +1 ձայն): Անհրաժեշտ թվով ձայներ չհավաքելու դեպքում առավելագույն ձայներ հավաքած երկու թեկնածուները անցնում են երկրորդ փուլ: Երկրորդ փուլում ընտրվում է այն թեկնածուն, ում օգտին քվեարկում է ներկաների մեծամասնությունը: Հավասար ձայների դեպքում ընտրությունն իրականացվում է երկրորդ անգամ՝ նախորդ ընտրությունից 1 շաբաթ հետո՝ պահպանելով սույն կետի պահանջները:
- 4.10. Ընտրված են համարվում փոխնախագահի, պատասխանատու քարտուղարի, հանձնաժողովների նախագահների այն թեկնածուները, որոնց օգտին քվեարկում են ներկաների կեսից ավելին (50% +1 ձայն): Անհրաժեշտ թվով ձայներ չհավաքելու դեպքում առավելագույն ձայներ հավաքած երկու թեկնածուները անցնում են երկրորդ փուլ: Երկրորդ փուլում ընտրվում է այն թեկնածուն, ում օգտին քվեարկում է ներկաների մեծամասնությունը: Հավասար ձայների դեպքում ընտրությունն իրականացվում է երկրորդ անգամ՝ նախորդ ընտրությունից 1 շաբաթ հետո՝ պահպանելով սույն կետի պահանջները:
- 4.11. ՈւՆ նախագահի, փոխնախագահի, պատասխանատու քարտուղարի, հանձնաժողովների նախագահների պարտականությունները չիրականացնող ԳՊՔ ՈւՆ նախագահության մյուս անդամներն ընդգրկվում են ուսանողական խորհրդի նախագահությունում գործող հանձնաժողովներում:
- 4.12. ՈւՆ նախագահության անդամի հեռացման (այդ թվում՝ քոլեջից հեռացման), քոլեջն ավարտելու, կամովի հրաժարվելու դեպքում՝ սույն կարգի 4.2 կետի պահանջներին համապատասխան ընտրվում է ԳՊՔ ՈւՆ նախագահության նոր ներկայացուցիչ՝ պահպանելով սույն կանոնակարգի 4.5 կետի պահանջները: Եթե ՈւՆ նախագահության անդամը փոխնախագահ կամ պատասխանատու քարտուղար կամ հանձնաժողովի նախագահ է, ապա ընտրությունն իրականացվում է հաշվի առնելով սույն կանոնակարգի 4.2, 4.5, 4.8, 4.10 կետերի պահանջները:
- 4.13. ՈւՆ նախագահության անդամների կեսից ավելի փոփոխության պարագայում կազմակերպվում է ՈւՆ նախագահի նոր ընտրություն:
- 4.14. ԳՊՔ ՈւՆ նախագահը, ով հանդիսանում է նաև ԳՊՔ ՈւՆ նախագահության նախագահ, ներկայացնում է ՈւՆ-ն ԳՊՔ Մանկավարժական խորհրդում, Ուսումնական մասում և Քոլեջի այլ օղակներում, ՈւՆ Ընդհանուր ժողովում հանդես է գալիս Ուսանողական խորհրդի գործունեության մասին հաշվետվությամբ: Նա ներկայացնում է ԳՊՔ ՈւՆ-ն և ուսանողությունը ՀՀ և արտերկրի բոլոր պետական և ոչ պետական մարմիններում, մասնավոր անձանց, տալիս է լիազորագրեր՝ գործելով սույն կանոնադրությամբ ՈւՆ-ին վերապահված հարցերի շրջանակներում:

- 4.15. Ուսանողական խորհրդի ընդհանուր ժողովի, նախագահության, քարտուղարության և առանձին հանձնաժողովների նիստերին 3 անգամ չմասնակցած ՈւՄ նախագահության անդամը հեռացվում է ԳՊՔ Ուսանողական խորհրդի կազմից:
- 4.16. Սահմանված ժամկետը լրանալու կամ ԳՊՔ-ում ուսումնական տարեկանը կամ բանակ գորակազրկված ԳՊՔ ՈւՄ նախագահը վայր է դնում իր լիազորությունները: Ընտրությունն իրականացվում է սույն կարգի 4.8, 4.9 կետերի պահանջներին համապատասխան նախագահի լիազորությունների վայր դնելուց հետո՝ 3 ամսվա ընթացքում:
- 4.17. ԳՊՔ ՈւՄ փոխնախագահը նախագահի բացակայության ժամանակ վերջինիս լիազորությամբ ողջ ծավալով կատարում է նախագահի պարտականությունները: Նախագահի լիազորությունները դադարելու դեպքում ԳՊՔ ՈւՄ փոխնախագահն իրականացնում է նախագահի պարտականությունները՝ մինչև նոր նախագահի ընտրությունը:
- 4.18. Պատասխանատու քարտուղարը ղեկավարում է քարտուղարության աշխատանքները, վարում համապատասխան արձանագրությունները:
- 4.19. ՈւՄ նախագահությունը.
- ա) միջոցներ է ձեռնարկում ՈւՄ Ընդհանուր ժողովի որոշումներն իրականացնելու համար,
 - բ) հաստատում է ՈւՄ նախագահության, քարտուղարության, հանձնաժողովների աշխատակարգերը,
 - գ) վավերացնում է ՈւՄ նախագահի կողմից կնքված պայմանագրերն ու համաձայնագրերը
 - դ) հանձնաժողովներում կատարվող աշխատանքների մասին լսում է զեկուցումներ
 - ե) կանոնակարգում է ԳՊՔ կառավարման բոլոր մարմիններում ուսանողների առաջադրման և ընտրության գործընթացը և ընտրում է ԳՊՔ կառավարմանը մասնակցող ուսանող անդամներին, ինչպես նաև որոշումներ է ընդունում կառավարման տարբեր մարմիններում ուսանողների ներկայացուցիչներին առնչվող այլ հարցերի վերաբերյալ,
 - զ) կարող է անվստահություն հայտնել ՈւՄ նախագահին, նախագահության անդամներին և հանձնաժողովների նախագահներին,
 - է) կարող է լսել և լուծել ՈւՄ իրավասությանը վերաբերող ցանկացած հարց, բացառությամբ Ընդհանուր ժողովի իրավասությանը վերապահվածներից:
 - ը) առաջարկում է փոփոխություններ, լրացումներ ՈւՄ կանոնադրության մեջ:
- 4.20. Ուսանողական խորհրդի նախագահությունում գործում են.
- Կազմակերպման, մշակույթի և ազատ ժամանցի հանձնաժողովը
 - Կրթության, ուսուցման և սպորտի հանձնաժողովը
 - Արտաքին կապերի հանձնաժողովը
 - Մամուլի և լրատվության հանձնաժողովը
- Անհրաժեշտության դեպքում կարող են ստեղծվել ժամանակավոր հանձնաժողովներ:
- 4.21. Ուսանողական խորհրդի նախագահությունում գործող հանձնաժողովներում կարող են ընդգրկված լինել նախագահը և նվազագույնը երկու, առավելագույնը՝ տաս անդամ:
- 4.22. ԳՊՔ ՈւՄ նախագահությունը նիստեր է գումարում առնվազն երեք ամիսը մեկ անգամ:
- 4.23. ԳՊՔ ՈւՄ նախագահությունը՝ բաց քվեարկությամբ, ձայների մեծամասնությամբ իր կազմից ընտրում է ԳՊՔ Ուսումնամեթոդական խորհրդում 1 ներկայացուցիչ (ուսանող-անդամ):
- 4.24. ԳՊՔ ՈւՄ նախագահությունը՝ բաց քվեարկությամբ, ձայների մեծամասնությամբ իր կազմից լիազորված մարմնին առաջադրում է 3 ուսանող-անդամի թեկնածություն՝ ԳՊՔ Կառավարման խորհրդի կազմում ընդգրկվելու համար:
- 4.25. ԳՊՔ ՈւՄ նախագահության նիստն իրավագոր է, եթե ներկա են անդամների 50% -ի անդամները: Որոշումներն ընդունվում են ներկաների պարզ մեծամասնությամբ: Փակ, գաղտնի քվեարկության արդյունքում, եթե անդամների 2/3 ը պաշտպանում է անվստահության քվեն, ապա համապատասխան անձը վայր է դնում իր լիազորությունները:

4.26. ԳՊՔ ՈւՄ նախագահի որոշմամբ կամ նախագահության անդամների 1/2-ի պահանջով կարող է հրավիրվել ԳՊՔ ՈւՄ նախագահության արտահերթ նիստ:

5. ՖԻՆԱՆՍԱԿԱՆ ՄԻՋՈՑՆԵՐԸ

5.1. Ուսանողական խորհրդի ֆինանսական միջոցները գոյանում են ԳՊՔ հատկացումներից, հանգանակություններից, նվիրատվություններից և ԳՊՔ Կանոնադրությանը, սույն կանոնադրությանը չհակասող այլ և ՀՀ օրենսդրությամբ չարգելված այլ միջոցներից:

6. ՎԵՐՍՏՈՒԳԻՉ ՀԱՆՁՆԱԺՈՂՈՎ

6.1. Վերստուգիչ հանձնաժողովն իրականացնում է Ուսանողական խորհրդի որոշումների կանոնակարգային համապատասխանության և ֆինանսական միջոցների օգտագործման նկատմամբ վերահսկողությունը:

6.2. Հանձնաժողովի կազմը (ընդհանուր թվով երեք հոգի) ընտրվում է ՈւՄ Ընդհանուր ժողովի կողմից՝ 2 տարի ժամկետով՝ բաց քվեարկությամբ:

6.3. Հանձնաժողովի անդամներից մեկը պետք է լինի Քոլեջի դասախոսական, ուսումնակազմակերպական կամ ուսումնադաստիարակչական կազմի ներկայացուցիչ:

6.4. Վերստուգիչ հանձնաժողովի անդամ չեն կարող լինել ԳՊՔ ՈւՄ նախագահության, այլ հանձնաժողովներում ընդգրկված անձիք:

6.5. Հանձնաժողովն իր կազմից ընտրում է նախագահ, որը խորհրդակցական ձայնի իրավունքով կարող է մասնակցել ԳՊՔ ՈւՄ նախագահության և Ընդհանուր ժողովի նիստերին:

6.6. Վերստուգիչ հանձնաժողովը հաշվետու է միայն Ընդհանուր ժողովին:

7. ՌԻՍԱՆՈՂԱԿԱՆ ԽՈՐՀՐԴԻ ՎԵՐԱԿԱԶՄԱՎՈՐՈՒՄԸ ԿԱՄ ԼՈՒԾԱՐՈՒՄԸ

7.1. ԳՊՔ ՈւՄ-ը կարող է վերակազմավորվել կամ լուծարվել ՈւՄ Ընդհանուր ժողովի անդամների ընդհանուր թվի 2/3-ի որոշմամբ: